

# HART-GESONDE GM SOJAS OP PAD

Die mega-saadmaatskappy Monsanto en DuPont Pioneer werk albei hard aan die kommersialisering van nuwe GM sojabone wat transvet-vry is en meer gesonde vetsure bevat.

Transvette verhoog cholesterol wat hartsiektes aanwakker. Die gesonde soort vet wat byvoorbeeld die oorwegende komponent van olyfolie is, is oleïese vetsuur.

Monsanto en DuPont Pioneer het albei

Só lyk die verskil tussen olie van Plenish (links), DuPont Pioneer se nuwe transvet-vrye GM sojaboon, deels gehidrogeneerde olie (middel) en heeltemal gehidrogeneerde olie (regs). Die transvet-vrye olie is gesonder omdat dit drie keer soveel linoleïese vet, die gesonder soort vetsuur, as konvensionele sojaboon-olie bevat.

FOTO: DUPONT PIONEER



nou sojabone ontwikkel waarin die geen “stilgemaak” is wat oleïese vetsuur in die sojaboonplant in linoleïese vetsuur omskakel. Die olie uit dié geneties gemodifiseerde bone bevat dus baie min van die soort vetsure wat gewone sojaboon-olie se rակlewe verkort.

Om die rակlewe te verleng, word dit in die chemiese proses van hidrogenering met waterstof-gas behandel, wat dit in die meer

soliede bestanddeel omskakel wat in die bakbedryf, soos in koekie-fabrieke, gebruik word. Die neweproduk daarvan is die kunsmatige en ongesonde transvette.

In verbruikerskringe is daar 'n al hoe groter bewustheid van die

gesondheidsgevaare van transvette. In Amerika het die regering opgetree om die gebruik daarvan te ontmoedig. Die Amerikaanse agentskap vir voedsel en medisyne het byvoorbeeld pas 'n nuwe konsepbeleid voorgestel wat die gebruik van transvette mettertyd sal verbied. Die twee GM sojabone wat die saadmaatskappy ontwikkel het, lewer 'n olie met omtrent 75% oleïese vetsuur, drie keer soveel as konvensionele soja-olie. Die olie is stabiel sodat dit nie gehidrogeneer hoef te word nie. Monsanto s'n heet Vistive en DuPont Pioneer s'n Plenish.

Dit is nog nie kommersieel beskikbaar nie. Aanplantings is nog beperk en op 'n proefgrondslag, maar die saadmaatskappy hoop dat dit mettertyd as 'n gesonde, plaaslik geproduseerde alternatief sal dien vir tropiese olies, soos transvet-vrye palm-olie, wat ingevoer moet word. - MARLEEN SMITH

BRONNE: [www.dupont.com](http://www.dupont.com); [www.nytimes.com](http://www.nytimes.com)